

NONNULLA DE FONTIBUS
MEDICATIS, PRAESERTIM
IN RUTHENIA OBVIIS.

DISSERTATIO INAUGURALIS
CHEMICO-MEDICA

QUAM
CONSENTIENTE AMPLISSIMO MEDICORUM
ORDINE

IN
UNIVERSITATE CAESAREA LITERARUM
DORPATENSI,

UT GRADUM
DOCTORIS MEDICINAE

LEGITIME ADIPISCATUR,
LOCO CONSUETO PUBLICE DEFENDET

AUCTOR
HERRMANNUS HENRICUS HESS

53707

DORPATI LIVONORUM
EX OFFICINA ACADEMICA J. C. SCHÜNMANNI.

MDCCCLXV.



P r o l e g o m e n a.

Imprimatur,

ex tamen conditione, ut, simulac typis excusa fuerit hanc
dissertatio, septem exemplaria collegio, cui censura libro-
rum mandata est, tradantur.

Dorpati Livonor. d. xxv. m. Septembri mcccxxv.

Dr. L. A. Struve
h. t. Decanus.

Tertu filii Iku Gliko
Raamatukogu

428561

Quae recentiori memoria, chemiae analytiae ope,
ad subtiliorem fontium medicorum cognitionem ju-
vandam, a chemicis doctissimis investigata, collecta
et in medium prolata sunt, nec indigna, quibus hi-
storie naturalis studiosi animum adverterent, nec
in primis a medicorum studio, meditatione et usu aliena
videri poterant. Vix ulla alia disciplinae medicae
pars ad artem et praecepta nunc temporis faciliter re-
vocabitur, quam illa materiae medicae propria,
quae in exponenda fontium mineralium indole ac na-
tura versetur. Diu jam effectibus eorum explorandis
opera navata, variae conjecturae propositae fuerant,
antequam doctrina chemica rectam ad explicandos hos
effectus semitam ostenderet. Simul atque vero, ob-
servationibus medicorum ad elementa remedii redu-
cendis et explicandis multi pares se existimarent, ana-
lysis aquarum mineralium majoris momenti videbatur,
magisque animum capiebat; insito enim quasi desi-
derio trahebantur, quas natura producit substantiarum

temperationes, imitando effingendi; qua re et plures molestiae poterant evitari er impensis parci, quae fontium medicatorum usui haud contemnenda impedimenta objiciunt. Non minus in opinionibus, de arte chemica temere conceptis, quam in eo quod, uti saepe fieri solet, nimis mature experimenta instituere cooperunt, ratio est quaerenda, qua permotus, magnus hominum numerus praesumisit, aquas minerales arte concinnatas, per se spectatas, nativis, quoad efficaciam, longe esse postponendas. Quod si vero hanc opinionem, quaestione instar, nobis proponimus et accuratius consideramus, quatenus illa ad veritatem proprius possit accedere, quibusque argumentis ipsi nostri temporis chemici ejus patrocinium suscipiant, mox quid hac de re judicandum sit, intelligemus.

Luce clariss est, principio quaeri debere: num simpliciter aquas minerales nativas imitando effingere seu assimilare valeamus? In universum, nec affirmando nec negando hoc interrogantibus respondere licet. Interea si a simplicissimis ad magis compositas procedimus, et e. g. aquas Saidschuezenses ac Sedlizenses respicimus, quarum, quae sit temperatio, satis compertum habemus, (priorē enim aquam 274, 2 grana, alteram 104 grana salis amari in singulam libram, cum tenui parte magnesiae carbonicae ac salis Glauberi, continere constat), nulli artis chemicae, qua nunc gaudemus, gnaro, dubium injicitur, quin ejusmodi ar-

tificialis compositio, cum nativa prorsus conveniens, arte produci queat. Nemo certe erit, qui vel minimam differentiam doceat, atque, nonne eaedem sunt affinitates, eaedem vires chemicae, eaedem naturae leges, quae in ambabus temperationibus vim suam exserant? Quo compositior vero aqua quaedam est, eo magis difficultates, compositioni adversae, incrementunt, et quidem dupli respectu. Nam quanto plures temperationis cuiuslibet sunt partes constituentes, tanto difficilius certa et indubitate earum acquiritur notitia; tum vero, hoc posito, quod semper primo loco postulatur, verum id esse, quod scire credimus, modus agendi syntheticus impeditior fiat, necesse est. Nentiquam tamen idcirco de compositionis consilio desperandum, quamvis negari haud possit, nonnullis in casibus difficultates mechanicas, vix superandas, nobis offerri, quum ejusmodi officinis careamus, quibus natura ad opera sua perficienda abundet.

Praeter elementa ponderabilia, temperies fontis praecipue respicienda est. Ut vim ejus in organismum praetermittamus, quilibet chemiae peritus haud ignorat, quanti momenti sit in compositione, solutio- ne, decompositione chemica et cet. Exempla ejus rei, ex ipsa natura hausta, lecturum, ad Erdmanni librum, qui inscribitur: Symbolae ad cognoscendam

interiorem Rutheniae partem, 1) telegamus; in primis locum audeat, ubi in aquam lacus Eltonici inquiritur. Temperies vero, uti experientia docuit, etiam arte produci potest, et per experimenta, a Longchampio, Franco-Gallo, a Professoribus, Neumanno ac Steinmanno, a consiliario in re metallica, Reussio, item a Dr. Dammio instituta, scimus, auctum calefactu artificiali temporiei gradum nullo alio modo manifestari quam quem ipsa natura progenuit. Examinantes certe rationes, quibus aquarum mineralium, arte compositarum, adversarii utuntur, qui, hoc praeципue momentui opponendo, aliter sentientes refutasse sibi videntur, 2) omnem propemodum vera et falsa dijudicandi artem in iis desiderabimus. Num forsitan diversa distinguunt calorica? aut si de calorico idem quod physici existimant, num probarunt, illud secundum diversas, quas in eo novimus, conditiones, in aquis mineralibus, arte compositis, aliter se habere quam in nativis? Sed ulterius scilicet progrediventur, de praeagiis ac divinationibus loquentes! Evolvas quaeso, condide lector, loco citato pag. 340, ubi haec reperiuntur: „satis esse et ad hominum felicitatem

1) Erdmanns Beiträge zur Kenntniß des Innern von Russland.

2) Vide Repertorium von Rust und Casper. Band 5, pag. 337.

„magis conducere, si naturae efficacitatem, tanquam magnam omnino et eximiam, praesagiendo conjiciant, quam si eandem, tanquam tenuem ac vilem, cognoscere moliantur.“ 3) Non possum quin lectorem interrogem, annon qui ita sentiunt, omnibus, quae arte aliqua vel scientia continentur, palam renuntient? Num forsitan natura, quae in laboratoriis nostris, sic dictis, secretiones ac decompositions efficit, eadem non est, quam magnifica illa et egregia, quae sub dio agat?

Aliter quidem res se habet, ubi de mixtione haud sufficienter sumus edocti, vel si in aquis mineralibus materiae organicae solutae inveniuntur, quarum natura prorsus nobis est incognita. Facile intelligitur, has imitando effingi non posse. Eas tantummodo aquas minerales certa quadam et explorata ratione componere valemus, quae in partibus constitutivis nullas materias organicas contineant, inter has vero, in primis tales, quarum temperatio satis nobis nota sit, easdemque quidem simpliciores, cum difficultates compositionis mechanicae cum numero elementorum increcent. Sed etiam ubi ars mixtiones, naturae congruentes, produxisse autumat, multi medici diversos

3) „Dass es besser und beglückender ist, die Naturähnlichkeit gross und herrlich zu ahnen, als sie klein und schlecht kennan zu wollen.“

in organismum effectus observasse credunt. Ne, deficiente propria experientia, has observationes in du-
biū vocare videar, id tantum afferre mihi liceat,
viros celeberrimos, e. g. Kreisigium, Vogelium, alios,
aliter hac de re sentire. Ipsius almæ nostræ littera-
rum Universitatis, quondam praeceptor meritissimus,
cujus memoria in auditorum gratorum animis adhuc-
dum vigeat; Erdmannus, in epistola privata, prioris
temporis collegae cuidam inscripta, affirmavit, se
Dresdae aquas minerales reperisse, nativis, quoad
efficaciam, nequaquam inferiores. Per magni porto
momenti est, omnium, quae in fontium nativorum
usu concurrant, et causarum agentium leviorum con-
sideratio; quam rem, ut attentione dignam, multi
jam commendarunt.

Haud alienum puto, nonnulla adhuc de sentien-
tia eorum chemicorum adjungere, quae plurimum
medicorum puncta tulit 4) ideoque ulteriori examini
videtur subjicienda. Kastnerus 5) in libro, ab eo
edito, hanc oponionem profert; in considerandis effec-
tibus fontium medicatorum medicinalibus, ex parte
sæpe mirandis, elementa ligata imponderabilia haud

4) Journal der praktischen Arzneikunde von Hufeland
und E. Osann, 1824, 7tes Heft, Seite 103.

5) Vide 3tes Heft ersten Bandes seines Archives.

esse negligenda, imo forte primarias eisdem agendi
partes attribuendas esse. Huic conjecturæ proferendas
ansam ei præbuerunt, quae sequuntur: „Sunt, in-
„quit, primo fontes medicati, qui parum salis contineant,
„nihilominus vero valde efficaces; secundo, fontes
„medicati maximam exserunt vim iis in locis, ubi sca-
„turiunt; quod quidem, ut vulgo notum, non solum
„in fontes cadit, gasibus abundantes, sed in eos etiam,
„qui gasium inopes sint. Neque in pluribus fonti-
„bus mineralibus decessus tantum gasis mineralis, (at-
„que succedens aëris atmosphaerici absorptio), eorum
„vim infirmat, sed etiam conjuncta ponderabilium
„summae, quam continent, mutatio. Multi eorum
„jam longo contactu corporum peregrinorum tempe-
„rationis mutationem patiuntur, eam quidem, quae in-
„nuat, chemicam eorum substantiam ex imponderabili-
„bus quibusdam, simul praesentibus, constare, qui-
„bus subtractis, consociatio partium, eas constituens
„tium, mox dissolvatur.“ 6) Dein cum corporibus orga-

6) Germanicum idioma, quo utitur auctor, verba haec
habet:

Es giebt: 1) Mineralquellen von geringem
Salzgehalt, die sehr wirksam sind. Zweitens: die
Mineralquellen sind am wirksamsten an ihrem Entstehungs-
orte. Dieses gilt bekanntlich nicht etwa lediglich von den
sehr gaerichen, sondern auch von den sehr gasarmen Quel-

niciis ab auctore comparantur, dicente: 7) „Cum in processu organico-chemico lex oppositionis dualisticae dominetur, in partibus formativis organismorum, et probabiliter quoque in pluribus fontibus medicatis, praesertim in fontibus calidis, e saxis, vetustate insignibus, tempore antiquissimo prodeuntibus, triplex antithesis praedominatur.“

Quod primum argumentum attinet, nihil plane efficit; nam si experientia semel duntaxat demonstraverit, fieri posse, ut naturae figura imitacione fida exprimantur, quod quidem plures factum est, jam hoc contrariae opinioni refutandae sufficit; quoad vero

len, und es ist bei den meisten Mineralquellen nicht nur die Entweichung des Mineralgases (und dagegen eintretende Ver schluckung der atmosphärischen Luft), welche ihre Wirk samkeit schwächt, sondern auch die damit verbundene Änderung ihres Gehaltes an Imponderabilien. Viele unter ihnen erleiden schon durch langes Berühren fremdartiger Körper eine Mischungsveränderung, welche darauf hindeutet, dass ihr chemischer Bestand von der Mitanwesenheit gewisser Imponderabilien abhängig ist, welche ihnen nicht entzogen werden dürfen, ohne die Verbundenheit ihrer Mischungs theile aufzuheben.

7) Während in den anorganischen Gemischen das Ge setz des dualistischen Gegensatzes waltet, ist in den Bildungstheilen der Organismen, und wahrscheinlich auch der meisten Mineralquellen, zumal denen in dem ältern Gestein, und in den ältern Zeiten entstandenen heißen Quellen, der dreifache (dreilige) Gegensatz vorwaltend,

eos fontes, quorum effectus per elementa, nobis nota, explicare haud valeamus, defectus solummodo scientiae nostrae inde sequitur. Exempla, quibus id probetur, in promtu sunt. Quamdiu quantitas Jodi, quam fontes nonnulli, (v. c. fons in urbe Pedemontana, Sales dicta), continebant, nondum cognita esset, effectus eorum explicari non poterant; nunc temporis vero profecto non erit medicus quisquam, qui ejus adversus strumam vim salutarem, jam prius cognitam, explicaturus, triplicem illam antithesin (den dreiligen Gegensatz) amplectatur.

Ad secundum argumentum quod attinet, aquas minerales, quae exportentur, praeципue ob jacturam substantiarum imponderabilium, minus esse efficaces, veritatem ejus solummodo concedere possumus, ubi, temperie mutata, compositio quoque mutetur; si vero eam ob caussam prolatum est, ut sententia, supra memorata, probaretur, objici ei poterit, id quod demonstrandum erat auctorem jam demonstratum posuisse, atque in vitium incidisse logicum, quod circulus in demonstrando vocari solet.

Ceterum, ad explicandam rem satis notam, quod aquae nonnullae medicatae in urceis lapideis asservari non possint, quin decompontur, quae alias in vasis vitreis optime conserventur, ad hypotheses non esse configendum, cum leges chemicae, hucusque probatae, hanc explicationem nobis suppeditent, per

se liquet. Quodsi postremo auctor praesumit, fontes minerales ad leges naturae organicae compositos esse, in eo quidem non omnino errat; quod ut lectoribus pateat, librum evolant quoeso, qui inscribitur: Mathematica de natura philosophia, auct. Friesio. 8) Sed quemadmodum auctor noster hanc opinionem profert, mera est hypothesis, quae, si ab auctore, praesertim ad fontes temporis antiquissimi, eos quippe, qui existentiam suam montibus primariis (Urgebirgen) acceptam referant, revocetur, experientiae directe opponitur. Etenim compertum nobis est, prima formationum organicarum vestigia, cum montibus demum transitum parantibus, (Uebergangsgebirgen) initia capere. Quoad triplicem antithesin, (sic enim loquitur auctor), notandum adhuc superest, hanc loquendi formulam logica carere veritate, nec cum antitheseos notione congruere, ideoque, deficiente omni omnino notione, haud erit admittenda.

In libro quodam 9) Wurzerus: „Quo diutius, inquit, qua medicus, effectus aquarum mineralium in organismum morbosum considero, eo minus eas pro mera salium solutione habere possum, et eo magis persuadeor, effectum balneorum medicatorum in

„organismum humanum per vires hydro-galvanicas, potius, quam per vires irritationum materialium directas, iisdemque contentas, effici. Quapropter eas, tanquam fluidum organicum, quasi vivum, contemplor.“ His verbis, eadem fere quae supra citatis, opponi possunt, atque denuo ad librum, jam memoratum Friesii, viri acutissimi, lector mihi est relegandus, ex quo denique hunc locum, cui animus attendatur dignissimum, excerpere libet: „Das Talent des Naturforschers für vergleichende Naturbeobachtungen besteht aber darin, recht speciell dem einzelnen Gebiet angehörende leitende Maximen aufzufinden und sich nicht, nur mit den leeren allgemeinen, überall passenden Formeln zu begnügen.“

Liceat nunc mihi nonnulla de ratione hujus commentatiunculae subjungere. Consilium, quo eam elaboravi, eo tendebat, ut paululum ad cognoscendas aquas minerales Rutheniae conferrem, et, cum ad plane incognitas ut attenderent, lectorum animos excitarem, tum vero, ut, quae de balneis Andreopolitanis, jam in usum vocatis, novimus, emendarem. Conspectum praecipuarum methodorum analyticarum praemittere a proposito haud alienum putavi, operamque dedi, ut quam brevissime ea cum lectoribus communicarem, quae exstant maximi momenti notaque circa hanc rem observata, quo in instituto, opera Berzelii ac Pfaffii, item disquisitiones quasdam, in ephe-

8) Mathematische Naturphilosophie von Fries.

9) Das Neueste über die Schwefelquellen zu Nenndorf.

meridibus litterariis obvias, adhibui. Cum, hac in dissertationis meae parte, minime mihi arrogem, propria experientia disciplinae excolendae manum admovere, ut mihi vitio vertatur, quod scripta, supra memorata, non in quovis experimento allegaverim, haud vereor. Initio capitinis secundi quaedam in universum de stratorum ratione in regionibus, ubi fontes medicati proveniunt, disservni, quantum quidem opus esset, ut, quae ex analysi proditura sint, confirmarentur. Copiosior fortasse hoc loco fuisse, sed retinuit me metus, ne in hypotheses inciderem, praccipue ubi cardo rei in observatione exacta vertitur. Nemo profecto infistias ibit, rationem geognosticam aquae cuiuslibet mineralis qualitatibus ejus multum lucis, et viceversa, affundere; sed quamvis utrasque separare et divellere nentiquam in animo habeam, credo tamen, nos hoc respectu observationibus sufficientibus adhucdum destitui, saltem certis exploratisque legibus, ab experientia desumptis, quas in dijudicanda vicissitudine, seu vi ambarum reciproca, tuto sequi possimus. In expositionibus analyticis potissimum disquisitionis via, quam praeivit Berzelius, incedere studui; aquae enim minerales, quae ille examini subjicit, nostris valde sunt similes, ideoque vix alia ratio his examinandis magis videbatur accommodata. Cum vero disquisitionem earum non iis ipsis in locis, ubi scaturiunt, sed hic Dotpati instituere, ideoque parvis duntaxat

quantitatibus uti mihi licuerit, facile rerum periti intelligent, cur in examine elementorum gasiformium non tanta, qua par erat, diligentia, procedere potuerim. Quod vero aquas Andreopolitanas attinet, scripta sequentia hoc de fonte nota sunt, quorum, uti apparebit, ex parte in usum vocandorum copia mibi data fuit.

Описание Андреапольскихъ водъ К. Фриденбургъ. С. Петербургъ 1811.

Scherer's Versuch einer systematischen Uebersicht der Heilquellen des Russischen Reichs. St. Petersburg 1820.

Елизенъ о Андреапольскихъ водахъ. Сп. Петербургъ 1822.

**Elementa, quae in aquis mineralibus huc-
usque inventa sunt.**

Cap. I.

**Brevis ad examinandas aquas minerales
manuductio.**

Quum' hocce in capite de chemica tantummodo analysi disserere mihi proposuerim, alias res obser-vandas simpliciter laudare, sufficiet. Antequam ad ipsam disquisitionem aquae cuiusdam mineralis pro-ceedamus, haec in primis respicienda sunt: ratio re-gionis geognostica, qualitas soli in loco ipso, ubi fons scaturiat, num et quomodo vicinia culta sit et inhabitata, vegetatio; tum, quoad ipsam aquam, mo-dus, quo prorumpat, num, et qualia aëris genera evolvat, temperies ejusdem, quae saepius temperies anni media regionis est, num haec variet aut con-stans sit, pondus specificum, pelluciditas, color, sa-por et odor.

Haec elementa, in universum reperta, non quo-ad inter se invicem sociata sunt, sed sigillatim hic afferam, qua re eorum enumeratio multo fit brevior; in fine quaedam adhuc de consociationis ratione ad-jiciemus. Acida, in aquis mineralibus obvia, sunt: acidum sulphuricum, acid. muriaticum, acid. nitri-cum, acid. phosphoricum, acid. fluoricum, acid. bo-racicum, forte etiam aceticum, porro acid. carbo-nicum, acid. hydrothionicum et hydriodicum.

Bases salis obviae sunt: Kali, natrum, strontion, magnesia, terra argillacea, terra silicea, ammonium, ferrum oxydulatum, et raro quidem oxydatum, porro cuprum oxydatum et manganese oxydulatum, praetera vero extractivum, resina ac petroleum.

Quae elementa autem, haud simili modo fre-quentia, occurrunt; nonnulla eorum in singulis tan-tum casibus reperta sunt, nunquam vero omnia si-mul occurrunt, quo examen facilius redditur. Prae-ter modo memorata, gas azoticum saepenumero pars est constitutiva plurimorum fontium.

Disquisitio duabus sectionibus continetur, qua-rum prima examen materiarum gasiformium, altera elementorum solidorum instituet.

Disquisitio materiarum gasiformium.

Hoc loco praecipue agitur de acido carbonico, acid. hydrothionico statu illigato, gase azotico et forsitan de principio oxygenio, quod vero quam saepissime deficit.

De acidi hydrothionici praesentia jam odore sati persuademur, nullumque reagens tam parvas admixtiones patescere potest, quam ope odoris organi perspicue animadvertiscuntur. Acidum carbonicum liberum reperimus, si exiguae aquae portioni guttulas nonnullas aquae calcis addimus, quae turbationem provocant, majore aquae additamento adjecto, rursus evanescunt. Azoticum cognoscitur omnibus reactionibus absentia, oxygenuum, forsitan obvium, statim detegitur, si hoc gas cum solutione vitrioli Martis agitat, ubi mox oxygenio praesente, praecipitatum oxydi ferri oritur.

Ad quantitates horum gasium definiendas, sequens ratio adhiberi potest. Pila vitrea aqua minerali impletur, ac per tubum, bene ferruminatum, cum cucurbita copulatur, solutione acida plumbi acetici repleta, cuius fundum tubus vitreus attingat, necesse est. Hac ex cucurbita aliis tubis sub campanam dicit, Mercurio impletam atque clausam. Tum pila vitrea, repleta balneo areuario, sensim sensimque ad aestuationem usque calefacitur. Ac-

dum hydrothionicum transiens solutione plumbi ligatur ac praecipitatum fuscum efformat, quod plumbum est sulphuratum. Grana 19 hujus praecipitati 6,47 pollices cubicos mensurae Rhenanae acidi hydrothionici gasiformis indicant, pressione barometrica quidem 28⁰ P. et 12 $\frac{1}{2}$ ⁰ R. Reliqua gasium genera in campana vitrea super Mercurium excipiuntur ac sequenti modo sejungenda ac metienda sunt: Cum liquore kali caustici in contactum perductum, acidum carbonicum absorbetur, reliquum gas azoticum cum paululo oxygenii super Mercurium denuo excipendum est; quantitas acidi carbonici absorpti ex penitus dilapso volumine colligitur. Exigua plerumque oxygenii pars solutione vitrioli Martis cito absorbetur et, uti acidum carbonicum, definitur, reliqua aeris copia gas azoticum est. Hic adhuc notwithstanding, fluidum claudens intra et extra tubum pneumaticum, in quo experimentum instituitur, aequali altitudine retinendum esse atque, in omnibus his experimentis, aequalem, eumque medium aut normalem barometri ac temperie statum requiri, ubi vero hic durante experimento variat, per calculum ad eundem statum reducendum est, uti a physicis edocemur.

Emendatio status barometri. Quodsi statum barometri medium n, observatum m, volu-

men gasis observatum v , quaesitum x nominamus, ratio est: $n:m = v:x$, ergo $x = \frac{m v}{n}$.

Emendatio temperiei. Sit t numerus graduum super vel sub gradum normalem, v gasis volumen, erit $\frac{vt}{480} = x$ pro scala Reaum., $\frac{vt}{266,67} = x$ pro Fahrenheitiana et $\frac{vt}{213,33} = x$ pro Celsiana, ubi summa, hac via effecta x a volumine observato subtrahenda, aut eidem addenda est, prout t numerus graduum super vel infra gradum normalem erat.

Quum gase semper fere maximo humiditatis gradu conspicua sint, plerumque hujus emendatio negligitur, quod hic non magni adeo est momenti.

Quatuor gasium genera, modo memorata, non semper simul adscunt. Si acidum hydrothionicum deficit, gas per mixtionem aquae calcis et ammonii caustici transire jubeatur, ubi calcdria carbonica praecipitatur; reliquum gas ut supra tractatur. Grana 100 calcariae carbonicae sunt = 80,7 pollicibus cubicis mens. Rhen. barometri statu 28° P. et 10° R.

Si acidum hydrothionicum solum adsit, certam aquae portionem excoquendo et instillando solutionem plumbi acetici, persuademur, nullos eam continere sales hydrothionicos, quo in casu hoc modo agere possumus: Aqua recens oxydo cupri acetici seu cupri muriatici temperetur, ortum inde

praecipitatum colligatur, acido acetico diluto lavatur ac pondus ejus definitur. Grana 100 praecipitati sunt = 88 p. cub. Rhen. stante barometro 28° P. et 10° R.

Determinatio elementorum solidorum.

Jam supra mentoravi, elementa enumerata nuncquam simul adesse, qua re disquisitio multo facilior redditur; nam ipsa adeo frequenter occurrentia, ut natrum, calx, magnesia et ferrum oxydulatum, acido carbonico, natrum, terra calcaria et magnesia acido sulphurico, natrum, magnesia et calx, acido muriatico nupta, porro terra argillacea, terra silicea et extractivum semper fere quoad partem duntaxat praesto sunt. Institutio hic oblata proinde majorem casuum numerum complectetur, elementa rarius occurrentia partim adhuc sunt dubia, partim facilius segreganda. Ante omnia de materiis, in aqua obviis, certiores fieri studeamus, ac praeyio cum reagentibus examine instituto, hoc modo disquiramus:

Disquisitio qualitativa.

1) Tinctura lacmus in aqua recenti, infec-

ta rubro praesentiam acidi indicat; quodsi haec reactio in aqua coeta, locum non haberet, acidum erat acidum carbonicum. Color ex fusco ruber a sale metallico oriri potest.

2) Tinctura Fernambuc a terris et alcalibus carbonicis colorem assumit luteo-bruneum.

3) Aqua calcis, quae turbationem producit, ut supra jam dictum est, rursus evanescētem, acidum carbonicum liberum indicat. Non evanescente turbatione, bicarbonata tantum indicantur.

4) Baryta muriatica in aqua, acido muratico prius exasperanda, praesentiam acidi sulphurici praecipitato albo ostendit.

5) Argentum nitricum a) praecipitato albo, nebuloso, salia muriatica, b) nigro vel bruno acidum hydrothionicum, c) praecipitato vero, floccis simili, bruneoque praesentiam extractivi innuit.

6) Kali oxalicum terram calcariam plerumque praecipitat et in fluido filtrato,

7) Ammonium phosphoricum basicum magnesiam indiget.

8) Liquor kali caustici oxyda metallica et terras praecipitat.

9) Kali carbonicum, perfecte saturatum, sales haud carbonicos terrarum ac metallorum praecipitat.

10) Aurum muriaticum aqua, ferri par-

ticulas continent, turbatur; prius vero acidum liberum kali carbonico saturandum est.

11) Tinctura gallarum colore violaceo praesentiam ferri, glauco, alcalium indicat. Quodsi ferrum in acido carbonico erat solutum, nullam in aqua cocta prae se fert reactionem.

Paucia haec reactionis experimenta, rite instituta, ad indolem aquae cuiusdam quodammodo explanandam sufficiunt, saltem, eorum ope, in aestimatione subseciva errores manifesti evitari possunt. Elementa minoris momenti ac minori quantitate contenta, in analysi absoluta detegenda sunt; modo nullum phænomenon levius habeatur, quam cui animum attendamus.

Disquisitio quantitativa.

Quantitas aquae non nimis parva leni in calore evaporatur, (praesertim aqua salibus minus abundante). Quodsi hoc modo aqua valde est concentrata, per luteum colorem praesentia extractivi degi potest. Residuum siccatur, quod multis in casibus candefacitur, dein ponderatur. Id tamen tum solummodo fieri licet, si sales nulli in eo continentur, qui hac re decomponi possent. Decompositio massae, ita acquisitae, in tria momenta dividit.

tur, quae animo, ut uno conspectu omnia perlustret, obversari debent. I. Forti alcohole perfunditur, quo facto sales, in ea solubiles, a reliquis sejunguntur. II. Tum partes, in alcohole insolubiles, aqua extra-huntur, quae tunc aliam salium partem recipit. III. Tertium momentum in examinandis partibus, nec aqua, nec alcohole solubilibus, versatur. Haec momenta nunc sigillatim, servato justo ordine, pertrac-tabo.

I. Ut ea, quae ex disquisitione prodeant, certa sint et indubitate, alcahol 86 p. c. semper adhiben-dum est. Solutio hos sales continere potest: Kali, natrum, magnesiam, argillam, calcem, strontion, muriatica, porro terras nitricas et phosphoricas, resinam et extractivum.

a) Solutio ad siccitatem usque evaporatur, qua re resina in alcohole fit indissolubilis, ideoque residuum bene solvendo separari potest.

b) Solutio spirituosa ammonio caustico tem-peratur, quo facto, praecipitatum terrae aluminumae oritur, quae vero et acidum phosphoricum, calcem ac strontion phosphoricum continere potest; quod praecipitatum acido nitrico solvitur, tum plumbo acetico acidum phosphoricum praecipitat, ac defini-tur pondus plumbi phosphorici. Partes 100 ejusdem, 18 acidi phosphorici continent. Solutio, plum-

bo acetico majori, quam par erat, copia adhibito, acido hydrophilico liberari, dein vero natro carbonico praecipitari debet. Praecipitatum, quod obtinetur, terris carbonicis constans, proxime subsequenti praecipitato adjicitur et ulterius decompo-nitur.

c) Hac ratione acido phosphorico remoto, fluidum spirituosum natro carbonico praecipitatur. Fa-cilioris tractationis gratia, utraque praecipitata, quae postremo oblinebantur, acido muriatico solvuntur, denuo praecipitantur et cum sufficiente quantitate liquoris kali caustici temperantur, qui terram aluminosam excipit, calcem vero, strontion ac magne-siam non soluta relinquit; quibus separatis, solutio alcalica acido muriatico neutralisatur et, ope ammonii caustici, terra alumino-sa sejungitur, quae mox calefacta, ponderatur. Calcem, magnesiam ac strontion autem in solutionem muriaticam mutare oportet, ex qua terra calcaria ac strontion acido oxalicо praecipitatur. Magnesia muriatica nunc ad siccitatem usque evaporatur ac valide calefacitur, qua re puram eam obtainemus, nunc vero pondus con-stituere possumus. Calcaria oxalica et terra strontionica calefaciuntur, acido nitrico solvuntur et ad siccitatem usque evaporantur. Alcohol absolutum tum terram calcariam nitricam extrahit, ac strontion nitricum non solutum relinquit. Sales utriusque, sic

sejuncti, e solutionibus aquosis kali carbonico praecipitari, calefaci ac ponderari possunt. Partes 100 calcis carbonicae sunt = 56,43 partibus calcis et 100 strontii carbonici = 70,3 strontii.

d) Solutio spirituosa in c., natro carbonico praecipitata, nunc acido nitrico neutralisatur et argento nitrico praecipitatur. Praecipitatum, argento chlorato constans, partibus 100. p. 24,686 chlor. indicat.

e) E solutione dein argentum nitricum, nimia copia adhibitum, exigua natri muriatici parte removetur ac solutio evaporando concentratur, tum sal compositum platinae muriaticae cum natro muriatico adjicitur et in leni calore ad siccitudem usque evaporatur; porro massa alchohole calido extractitur, quae duplē salem cum kali relinquit. Berzelius in partibus ejusdem 100 partes 30,73 Kali numerat.

t) Quantitate singularum basium et acidi muriatici constituta, existimari potest, acidum reliquum natro conjunctum suis. Summa vero observationum tum demum veritati consentanea est, si nullum acidum nitricum in solutione continetur, quo in casu ejus copia definiri debet. De prae sentia ejus eo persuademur, quod charta, in solutionem immissa, postea siccata, cum stridore deslagrat. Nulla via directa definitionem quantitatis adsequimur; sed certam primae solutionis quantitatem cum cupro limato et

acido muriatico miscere possumus, ubi cuprum, acidi nitrici impendio, oxydatur et gas nitrosum elabatur. E copia oxydi cuprei, quantitatē acidi nitrici ad calculum reducimus.

II. Solutio aquosa kali, natrum, argillam, magnesiam, sulphurica, et kali nitricum continere potest. Hacc solutio, ut supra expositum est, tractatur; primo ammonium causticum adhibetur, tum natrum carbonicum. Dein solutio neutralisatur et acidum sulphuricum cum baryta muriatica praecipitatur. Partes 100 barytae sulphuricae 34,305 partes acidi sulphurici continent. Ita ut illic solutio spirituosa, natri muriatici ope, argento nimio adjecto purgabatur, sic hic barytae residuum sale Glauberi removetur, atque ulterius, ut supra, proceditur.

Definitio acidi nitrici rursus cum certa copia solutionis sigillatim fieri debet.

Quodsi calcaria sulphurica in residue, aqua extracto, aderat, coctione in aqua solvi potest. Aqua tum removetur et calcaria sulphurica separatim calefacitur.

III. Residuum tum in aqua, tum in alchoole insolubile manganum carbonicum, ferrum, calcem, magnesiam, argillam, strontion, terram siliceam et extractivum continere potest; nonnullis in casib⁹

adhuc etiam acidum phosphoricum, his materiis conjunctum. Hoc residuum acido muriatico diluto solvitur, si opus non est, ut ad acidum phosphoricum respiciatur, si hoc vero adest, acido nitrico et quantitas phosphorici, ut supra, definitur. Notandum tamen hic, in omnibus casibus, ubi copiam acidi phosphorici hac ratione definire in animo habemus, extractivum prius calefaciendo destruendum esse, quod in universu commendari potest, quia quantitatem ejus nunquam constituere licet et facile in errores nos inducit. Porro dispiciendum est, ut solutio plumbi summa cautione adjiciatur, ne plus justo adhibeatur, quod ultiorem analysis multo graviorem et impeditiorem redderet. Acido phosphorico vero remoto, acido hydrothionico ferrum atque manganum praecipitare, praecipitatum in aqua regis solvere, cum ammonio caustico neutralisare, dein ammonio succinico instruere possumus. Hac re oxydum ferri praecipitatur, in filtro colligitur, siccatur, caute calefacitur ac tum ponderatur, quo facto, oxydum ferri perfectum obtinemus, quod ad rationem oxyduli redigitur. Partes 39 oxydi ferri sunt = 35 oxyduli. Evaporatione modo praecipitatae solutionis obtinetur oxydum mangani, quod calefactum, ponderatur. Terra solutae eodem, quo supra Nro. I. dictum est, modo, tractantur. Residuo, in aqua insolubili acido muriatico tractato,

plerumque pars terrae siliceae relinquitur, quae siccillat calefacitur ac ponderatur.

De elementis quibusdam, raro occurrentibus.

Ad haec pertinent acidum boracicum, fluoricum et hydriodicum. Acidum boracicum, ubi occurrit, partem haud contemendam efficere solet, et, adhibita quadam diligentia, neglegi non poterit; quod reliqua utraque attinet, acidum fluoricum semel duntaxat, acidum vero hydriodicum hucusque bis tantummodo repertum est. Ne acidum fluoricum negligatur, residuum insolubile, Nro. III. memoratum, acido nitrico solvendum, atque haec solutio in patera, vitro obiecta, lente evaporanda est, ubi vitrum arrodit. Parva admodum quantitate occurrit nec exacte determinari potest. Berzelius solutioni nitricae nonnullas guttas liquoris kali caustici adiuvare solet, quo facto, acidum fluoro-siliceum praecipitatur, quod siccatum in partibus 100. p. 29,4 acidi fluorici et 28,47 terrae siliccae partes continet.

Sales hydriodici eo cognoscuntur, quod cum plumbo acetico praecipitatum efficiunt, colori pomorum aurantiorum simile, et addito acido nitrico, Jodium praecipitant.

De iis, quae ex analysi in universum
prodeant.

Ut singulae materiae in Nro. I. II. III. disjunctae erant, consentaneum videri posset, eandem consociationis earum rationem et in aquis mineralibus statuere, praesertim quia, sub unoquoque eorum, nisi per errorem peccatum fuerit, semper ad saturandas ac solvendas bases, copia acidorum necessaria deprehendetur. Quod vero inter ea, quae ex analysi efficiuntur, saepe pars haud contempnenda connubiorum insolubilium, e. g. calcaria sulphurica et carbonica et cet., saepe etiam elementa vel nullius, vel minoris efficaciae commemorantur, in causis fuit, cur quidam putarent, partes constitutivas, quoad connubia mutua, in statu plerumque solubili versari; unde plane alia aquarum mineralium compositio deducenda esset. Jam din quidem, ad hanc rem ut attendant, animi excitabantur, cuius tamen imprimis a Murrayo mentio injecta est. Tanquam exemplum insigne aqua, Bathoniae (in urbe anglica Bath) obvia, laudatur, quae, secundum Philippi disquisitionem, elementa sequentia continet:

Calcariam sulphuricam . . .	9,0
Natrum muriaticum . . .	3,3
Natrum sulphuricum . . .	1,5
Calcuriam carbonicam . . .	0,8
Terram siliceam	0,2

Quodsi vero, pro ratione sententiae, modo allatae, in aquis mineralibus connubia, quam maxime solubilia, contineri statuitur, eadem elementa, hoc ordine consociata, mente concipi possunt:

Calcaria sulphurica . . .	5,2
Calcaria muriatica . . .	3,1
Natrum sulphuricum . . .	5,5
Calcaria carbonica . . .	0,8
Terra silicea	0,2

Elementa, in ordinem, secundo loco laudatum, redacta, aliis proprietatibus ac viribus medicinalibus instructa esse, quivis facile perspiciet.

Hae observationes novam quandam disquisitionis rationem attulerunt, eam quippe, qua singula elementa sigillatim ex aqua eruerentur, tum vero, secundum principia, modo memorata, disponerentur. Principio acida, dein ut bases determinentur, praecipiunt; v. c. experimentis praeviis acidi sulphurici ac acidi carbonici praesentia inventa, certa aquae quantitas baryta muriatica praecipitatur, qua re baryta sulphurica et carbonica praecipitantur. Praecipitatum candesfactum ponderatur, tum acidum muriaticum superfunditur, quo baryta carbonica solvatur, necesse est. Baryta sulphurica residua tum denuo candesfacta, ponderatur, ubi e jactura quantitas salis carbonici colligi potest. Ex his duobus salibus, secundum aestimationem stoechiometricam, acidorum copiae ad

calculum reducuntur. Exempla secretionis basium haec sunt: Ammonio oxalico calx praccipitatur, dein ammonio carbonico terra argilacea et s. p. Copiosorem hujus methodi expositionem consulto praetermitto, quoniam tantum abest, ut emolumentum quoddam promittat, ut potius minus exacta sit, et ibi tantummodo adhiberi possit, ubi pauca elementa simul praestato sunt, alias vero, in temperationibus magis compositis, ad finem perduci nequeat, nisi ad priorem confugiat. Nemo sane hac via minimum quoddam acidi fluorici repertus fuisse, ut quidem Berzelio, in nota illa thermarum Carolinarum disquisitione, prospere cessit. Revera etiam omnia huc redeunt, ut quam accuratissime hic indagetur, cum haud ignoramus, elementa obtenta aliter consociata esse, quam ex analysi efficitur, atque connubia quam maxime solubilia statuenda nobis esse. Nec silentio transeundum, posteriorem examinis methodum, per se spectatam, nihil omnino ad illustrandam connubii rationem; qua materiae inter se invicem copulentur, conferre.

Quodsi vero quaeritur, quaenam sint leges, quibus duci nos oporteat, proh dolor! mox scientiae nostrae terminis coercentur. Respondebunt quidem multi, leges affinitatis sequendas esse, neque hoc in dubium vocabitur. Sed eo solummodo regio nobis praestituta est, qua commeare debeamus, viae vero,

quibus incedamus, maximam partem, antea munientes sunt. Clarissime hoc loco intelligitur, quanti doctrina de solubilitate sit momenti, sed multis faria, ad eam constituendam, adhuc opus est experientia multis que experimentis, subtiliter institutis. Professor G. Osannus in secunda symbolarum ad physicam et chemiam pertinentium, quam edidit, collectione, multa excolendae scientiae nostrae idonea protulit, pauci vero rem tanti existimant, cui operosum adeo laborem impendant.

Cap. II.

De fontibus nonnullis medicatis, in
Ruthenia obviis.

Lacus Seeligerius situs est in plano altitudinis tractus, qui a caeli plaga N. O. ad S. W. extensus, summam Rutheniae Europaeae borealis celsitudinem complectitur, in quo flumina in utrasque declivitates decurrentia exoriuntur. Partim hac in altitudine, partim in declivitate boreali, fontes describendi reperiti sunt. Calx cum argilla, per strata variantes, solum formant, in quo montani colles, plerumque ex arena laxa cum granitarum ruderibus constantes, exsurgunt. Ad hanc sententiam de formatione recentissimorum terrae stratorum, (Flötz) inde ab altitudine memorata, usque ad partem meridionalem lacus, Peipus dicti, ac partem borealem lacus Ilmenensis, vindicandam, affero tantummodo, a lacu Peipus, secun-

dum ripas fluvii Welika, prope usque ad ejus fontem, 621,18 pedes super lacum Peipus situm, continuo calcem, saltem in fluvii alveo deprehendi, hanc itidem similibus stratis ad ripas Dunaviae fl., in altitudine 651,18 pedum reperiri, neque minus, si loca editiora relinquens, versus plagam austro-occidentalem, in magnam illam planitatem, qua lacus Ilmenensis conspicitur, te conferas, ubi eandem etiam cum argilla, stratis variantibus horizontalibus, invenire licet. In multis locis etiam, his principalibus interjectis, manifesto apparet. Argilla, quae hic cum calce occurrit, natrum muriaticum continet, unde istud in omnibus propemodum hujus regionis fontibus obvium est. In eis describendis vero eum ordinem servabo, qui mihi, secundum partes eorum constitutivas, maxime consenteat videtur, primoque de iis fontibus loquar, qui natrum muriaticum, tamquam elementum primarium, tum de eis, qui acidum hydrothionicum nullumque natrum muriaticum contineant.

In Livonia, juxta fluvium, Woh dictum, infra villam Viram, in fundo praedii Pallamois, fons mineralis deprehenditur, qui attentione haud indignus videatur. Proxime ad fluvium parva conspicitur spelunca in saxo arenario, quod ripam format, e qua fons acer scaturit, passuum aliquot intervallo in fluvium se effundens. Nulla gasium evolutio animadvertisitur, aqua atramenti gustum valde refert, clara

est, frigida, temperie gaudet 6 $\frac{1}{2}$ R. ac multum ochrae ferreae deponit. Mihi haud oblate est, hanc aquam exactiori analysi subjiciendi, occasio; experimentis praeviis in loco ipso cum reagentibus institutis, explorabatur satis magna ferri quantitas, atque argentum nitricum fortem produxit turbationem, quae mox resedit et ad lumen colorem ostendit violaceum, ergo acidum muriaticum prodidit; ex quo jure praesentia natri muriatici colligere licuit.

In vicinia urbis Toropetz (Toponeg^b) in gubernio Pskoviensi, juxta aedem sacram, Saboriam dictam, fons reperitur, multas ferri particulas continens. In arena rubra provenit, quae margae superimposita videtur et cum argilla variat. In ejus proximo confinio magna est palus, qua multum amatitiae et ochrae ferreae invenitur. Fons in hanc paludem effunditur. Ambitu quinque ad sex passuum effossa, ac ligno circumdata est, super eam sacellum, matri Dei dicatum, exsurgit. Ex aquae fundo bullae aëreae, satis magna copia, ascendunt; gas flammæ concipiendæ non est aptum, et ex azotico constat, cum pâulo acidi carbonici coniuncto. Hoc loco partes duntaxat constitutivas affero, modum agendi analyticum in sequenti balnei Andreopolitani disquisitione accuratius indicaturus, cum, paucis admodum mutandis, ex iis, quae examine efficiuntur, facile intelligendis, mutatis, idem fere sit.

Temperie aquæ + 7 R.
Libra aquæ 4,2 elementa solida continent, et quidem

Natrum muriaticum	1,015
Ferrum carbonicum	0,900
Calcem carbonicam	0,450
Calcem muriaticam	0,302
Terram argillaceam muriat.	0,530
Vestigium terræ siliceæ	0,005
	4,200.

Balneum Andreopolitanum.

Prope a praedio Andreopolitano, juxta Dunaviam f., 50 milliariorum Russicorum (Werst) urbe Toropetz (Toponeg^b), et 95 ab urbe circulari Ostaschkow (Ocmam-nob), distantia, gradu 56° longitudinis borealis et 19° latitudinis orientalis, fons mineralis deprehenditur, multas ferri particulas continens, qui balnearum usum praestet. Ripa Dunaviae eo loco ex calce et argilla constat, uti jam supra memoratum est. Saepius ibi ferrum sulphuratum in argilla occurrit. Circiter mill. R. unum a ripa fluvii sinistra, magna palus initium capit, tantam; uti prope Saboriam, amatitiae et ochrae ferreae copiam continens, ut ferrum inde lucrifaciendi periculum factum sit. Eo loco, ubi haec palus incipit, fons, de quo loquimur, que-

tendus. Fundus est saxum calcarium laxum, margae simile, ex quo saepe bullae aëreæ evolvuntur, quæ maximam partem ex azotico constant. Hic fons jam diu inter incolas regionis illius pro salutari habitus est. Indiscriminatim eo, non tamen sine successu, saltem quibusdam in casibus, usi traduntur. Anno 1809 demum dominus prædii hac de re ad superiores retulit, ita ut hoc uno aqua, jussu Imperatoris ad ministri, ab Academico, Severgino, ac Doctore Buttazio examinaretur. Anno sequenti ea parabantur, quæ ad usum balneorum essent idonea. Anno 1815 eodem loco aqua quaedam mineralis a Professore Reussio explorabatur, sed notandum, non eundem esse fontem, quo nunc utantur, quem ille examini subjecerit. Quum vero in vicinia multi fontes pari qualitate, parva distantia invicem sejuncti, reperiantur, de eo tantummodo, qui jam in usum vocatus est, sermonem faciam. Fons ille in profunditate duorum pedum, 100 pedes cub, aquarium continet, quæ, si penitus aptia exhaustiuntur, 18 horae minutis rursus affluunt. Temperies est $6\frac{1}{2}$ R. Quum aquam, a Dom. Severgino examinatam, aliam reactionem anno 1809 manifestasse quam nunc temporis, liqueat, nisi forte insigniter peccatum fuerit, experimenta ejus primo sic afférām, uti in scriptis Dr. Ellisenii reperiuntur.

Duas libras aquæ coquendo, ex iisdem 10 poll. sub. æris atmosphaericæ evolvebanur, qui paulum

cum acido hydrothionico et carbonico mixtus esset; Evaporando residuum obtinebatur, a $3\frac{1}{2}$ - 5 gran. ad libram unam variis temporibus varians.

- 1) Charta exploratoria, lacmo tincta, non mutabatur.
- 2) Charta eadem, rubefacta, rursus colorebat coeruleum referebat.
- 3) Charta, tinctura Fernambuc imbuta, non mutabatur, unde absentia terrarum lixiarum colligi poterat.
- 4) Acida successu carebant, excepto acido oxalico, quod, horis 24 exactis, acidum oxalicum praecipitabat.
- 5) Liquor kali caustici, die interjecto, praecipitatum coloris subfuscum producebat.
- 6) Kali carbonicum, praecipitatum laxum subluteum.
- 7) Ammonium causticum magnesiam praecipitabat.
- 8) Tinctura gallarum et kali Borussicum ferri presentiam detegebant.
- 9) Aqua calcis principio sine effectu erat, serius vero aquam turbabat.
- 10) Baryta nitrica, exactis horis 24, praecipitatum exiguum ostendebat.
- 11) Magnesia sulphurica omnino sine effectu erat.
- 12) Argentum nitricum praecipitatum fusco-bruneum efficiebat, quod acidum hydrothionicum et extractivum indicaret.
- 13) Mercurius nitricus, tepide-paratus, praecipitatum bruneum, albo mixtum, producebat.
- 14) Plumbum aceticum praecipitatum ostendebat albi coloris cum bruno mixti.
- 15) Acidum arsenicosum nullum dabat praecipitatum, unde absentia acidi hydrothionici colligi petuit.
- 16) Mercurius purus colorē suum non mutabat, quod itidem

prodebat acidi hydrothionici absentiam. Alia experimeta, quae minoris mihi videntur momenti, omitto. Examen quantitatuum non communicatur, hoc positio, principia, quibus ea nititur, cuivis chemico cognita esse debere. Quod disquisitione efficiebatur, sequenti modo notatum invenimus:

Grana 5 salis residui constabant:

Ex ferro carbonico	2 gr.
— calce carbonica	1
— calce sulphurica	0,5
— magnesia carbonica ac sulphurica	0,25
— extractivo	1,25
	<hr/>
	5,00.

Eandem aquam anno 1824 hac ratione examinabam:

Disquisitio quantitativa.

- 1) Tinctura lacmi rubefacti colorem resumebat violaceum.
- 2) Aqua calcis turbationem producebat, majori aquae mineralis additamento non cedentem.
- 3) Tinctura Fernambuc subfuscō colore, ita ut vix percipi posset, imbuebatur.
- 4) Baryta muriatica in aqua, antea acido nitrico temperata, nullum praebebat praecipitatum.

5) Adhibito argento nitrico, praecipitatum album eriebatur, ad lumen mox violaceum factum.

6) Ammonium causticum aquam turbabat.

7) Ammonium oxalicum terram oxalicam calciam praecipitabat.

8) Aqua, quae posteriori experimento inservierat, filtrabatur, tum Ammonio phosphorico basico temperata, praecipitatum album ostendebat.

9) Kali carbonicum, perfecte saturatum, praecipitatum efficiebat exiguum.

10) Kali borussicum in aqua recenti presentiam ferri, in cocta vero non indicabat, similiter etiam tinctura gallarum.

His ex praeviis experimentis sequitur:

Aqua reactione alcalica est conspicua, secundum Nr. 2, terram carbonicam in genere, secundum Nr. 5, acidum muriaticum, verosimiliter ergo natrum muraticum, secundum Nr. 6, terram argillaceam, secundum Nr. 7, calcariam, secundum Nr. 8, magnesiam, secundum Nr. 9, sales terreos, in quibus acidum obvium non est carbonicum. secundum Nr. 10, ferrum carbonicum continet.

Disquisitio quantitativa.

A. In parva patera vitrea sensim, leni excitato calore, summa cum cautione, 5 librae aquae sec. mens.

medicin. ad siccitatem usque evaporabantur. Residuum effectum, colorem subfuscum referens, ac crystalla e chlorinatrio manifesto ostendens, pondus habebat 40,3 gr., in singulam libram igitur 8,06. Alcohole perfundebatur, eoque per 12 horas digerabatur, quo facto, solutio filtrata, alcohole fervente lavabatur.

B. Filtratum, quod obtinebam, nunc rursus ad siccitatem usque evaporabatur, ut alcohol depellerebatur; denuo alcohole perfusum, id omnia solvebat, quo efficiebatur, nulla elementa resinosa adfuisse.

C. Solutioni posteriori, in B memoratae, ammonium causticum adjiciebam, unde praecipitatum parvum, nebulosum proveniebat, in terrae argillaceae speciem efformatum. Filtro secernebatur et eluebatur. Kali caustico immissum, penitus denuo solvebatur et, in universum, via humida terram argillaceam referebat. Secretum ac candefactum, pondus habebat 2,78; ut ab errore tutior essem, illud adhuc tubo tractabam ferruminatorio, ubi mox reperiebatur, acidum phosphoricum in eo contineri, cum, secundum notum reactionis experimentum, a Berzelio institutum, ferrum phosphoratum efformaretur. Grana illa 2,78 verosimiliter ergo e sale basico terre aluminosae phosphoricae constabant.

D. Filtratum C, quod jam reactionem ostendebat alkalcam, natro carbonico coquebatur, unde

praecipitatum ortum, a reliquo fluido separatum, sequenti modo tractabatur; Acido sulphurico perfundebatur, tum vero evaporatum et candefactum, pondus habebat 3,76. Solutione calcariae sulphuricae, magnesia sulphurica solvebatur; residuum constabat e calce sulphurica ponderis 2,53. Itaque 1,23 salis amari partes solutae erant.

E. Solutio, natro carbonico praecipitata, acido nitrico saturata, argento nitrico temperabatur, residuum effectum in filtro collectum, principio aqua, cui paulum acidi nitrici erat adjectum, tum vero aqua pura eluebatur. Leniter candefactum, pondus habebat 86 gr., quibus igitur 20,64 chlori continebantur.

F. Solutio in E residua, argento, quod continebat, acido muriatico purgabatur, tum vero sale duplo platinae ac natri, num quantitas kali adsit, explorabatur. Nullum vero kali in ea inventum est.

G. Pars salis, quae not. A prima cum alcohole tractatione, in eo non solvebatur, ab acido nitrico diluto cum stridore recipiebatur. Solutio, quae ferro colorem luteum manifestabat, ammonio succinico temperata, praecipitatum dabat, quod candefactum, ponderis erat 1,54 gr., quae sunt = 1,35 oxyduli ferrei.

H. Solutio in G residua ad siccitatem usque evaporata, candefaciebatur; residuum exiguum pondus

habebat 0,26 ac, tubo ferruminatorio adhibito, ut magnesia se exhibebat.

Grana 2,35 calcis sulphuricae, quae in D obtinebantur, continent 1,05 calcis, quae cum, ut ex tota disquisitionis ratione liquet, in aqua, tanquam sal muriaticum, contenta esset, haec 1,05 calcis = 0,7707 calcii, quae ad saturationem 1,3293 partes chloricas requirunt. Haec igitur 2,1 chlorcalcii praebent.

Grana 1,33 salis amari, quae in D obtinebantur, continent 0,41 magnesiae partes = 0,25 magnii, cui respondent 0,75 p. chlori, unde l. gr. terrae amarae muriaticae numeramus. De partibus 20,64 chlori, quae in E obtinebantur, 18,5 restant, quae 12,1 natrii requirunt, ad 30,6 natrii muriatici formandas.

Grana 0,26 vero requirunt 0,29 acidi carbonici ad formandum 0,55 p. terrae amarae. Grana 1,35 oxyduli ferrei cum 1,7 acidi carbonici, 3,05 ferri carbonici acidi constituant. Praeter haec elementa, singula aquae libra 3 poll. cub. aeris atmosphaericci continebat. Quoad gas, bullis ascendens, constabat ex azotico, cum exigua acidi carbonici temperatione; quod modo agendi, primo capite memorato, efficiebatur. Nullis reagentibus praesentia acidi hydrothionici probari poterat, adeo parva ejus est quantitas. Odore tantum perceptibilis est.

Hinc gr. 40,3, quae evaporatione obtinebantur, constabant:

Ex natro muriatico	30,60
— calce muriatica	2,10
— terra amara muriatica	1,00
— ferro carbonico	3,05
— terra amara carbonica	0,55
— terra argillacea phosphorica	2,78
	40,08

Quoad elementa solida, quaevis aquae libra, secundum examen institutum, continebat:

Natrum muriaticum	6,120
Calcem muriaticam	0,420
Terram amaram muriaticam	0,200
Ferrum carbonicum	0,610
Terram amaram carbonicam	0,110
Terram argillaceam phosphoricam	0,556
	8,016

Haec observationum summa cum iis, quae ex analysi, supra memorata, prodirent, parum quidem convenit; credo vero, eandem tum innuendo, quae-nam sit stratorum illius regionis ratio, tum modum agendi, quo usus sum, analyticum indicando, satis a me esse demonstratum. Num autem statuendum sit, partes constitutivas inde ab anno 1809 ad hoc usque tempus, ita mutari potuisse, ut illo tempore nulla natrui muriatici quantitas, quae nunc quidem satis magna

est, in aqua affuerit, singulorum lectorum judicio mihi est relinquendum. Medicorum certe observata hucusque non ita variant uti chemicorum analyses. De effectibus hujus aquae propria experientia nihil quidem proferre mihi licet, sed cum plures medicorum relationes hac de re notae sint, eos omnino silentio praeterire non possum, ideoque e scriptis, supra laudatis, momenta potiora, quantum fieri potest, brevissime cum lectoribus communicabo.

Plerumque aegroti, in primo hujus aquae usu, nauseam ciborumque appetitus defectum sentiunt, somnus fit inquietus, ac saepius alvi profluvio laborant. Symptomata ista non semper quidem apparent, saepe tamen, praesertim in nervorum debilitate. Saepius aegri molesto ructu corripuntur, haud diu vero perdurante. Per magna aquac in cutem vis, excitatis per eam largis sudoribus manifestatur; simul, praecipue feminae, nervorum insirmitate laborantes, magnam ad somnum proclivitatem percipiunt, qui status post quemlibet aquae usum, horae dimidia spatio, animadveritur. Alii vero ejus haustu roboratos reflectosque se sentiunt.

Effectus frequentissime observatus aucta systematis uropoëtici activitas erat, in quibusdam hominibus tam fortiter se exserens, ut crebro mejendi impetu quies nocturna magnopere turbaretur. Interdum hi effectus, per vices variantes, in eodem individuo ob-

servabantur. In hominibus valde debilitatis, symptomata aderant vehementia, ut usum, maxima tantummodo cautione adhibita, continuare possent.

Effectus in canalem intestinalem, p[ro]ae ceteris, irregularis videbatur, ita ut homines, quam maxime irritabiles, post usum 9 aquae librarum quotidianum, ne minimum quidem alvi incrementum animadverterent. Dr. Friedeburgius effectus harum aquarum, in generatim roborantes, diureticos, actionem cutis valide promoventes, et alvum modice cientes, dispescit; ad calculos etiam solvendos aptae esse dicuntur. (?)

Optimo successu in hydrope adhibitae esse perhibentur, ubi, malo jam longius progresso, salutares se probaverunt; pariter etiam in multis morbis, ab assimilatione turbata orientibus. Dr. Ellisen¹ hanc aquam adhibet adversus symptomata dyspeptica, accida in primis viis, et magnam pituitae copiam, quo posteriori respectu multum ei tribuitur; porro in multis symptomatis nervosis, si cum sordibus primarum viarum sociantur, e. g. aurium tinnitu etc.; tum adversus vertiginem, convulsiones, cordis palpitationem, hysteriam, hypochondriam ac melancholię. Efficacem etiam se praebuit adversus colicam et cardialgię. Denique tanquam magnae utilitatis laudatnr in utriusque sexus incapacitate, adversus menstrua irregularia, haemorrhoides vesicae pituitosas, ectophyllas, pluraque exanthemata chronica.

Salis scaturigines prope Staraja Russa.

In proxima vicinia urbis, Staraja Russa dictae, nonnullae exiguae salis scaturigines deprehenduntur, quae officinis salariis inserviant. In argilla rubra sitae sunt, inter quam calx obvia est, quae argillae coeruleae superjaceat. In harum scaturiginum vicinia odor percipitur, acidum hydrothionicum referens, atque in ripis, locis quibusdam, paulum sulphuris depositum reperitur. Duas hac aqua lagenas implevi. Altera 7 $\frac{2}{3}$ grana continebat; ad siccitatem usque evaporabatur, residuum, in catino platineo calefactum pondus habebat gr. 219. Altera quantitatem acidi hydrothionici, quam continuerat, in itinere amiserat, ideoque tantum quoad partes solidas explorari potuit. Continebat 6840 gr., quae ad 7 $\frac{1}{2}$ uncias evaporabantur.

A. Neque plumbum aceticum, neque cuprum aceticum praecipitatum effecit, qua re acidi hydrothionici absentia demonstrata erat.

B. Uncia hujus fluidi eatenus evaporabatur, ut natrum muriaticum in crystalla abire inciperet, tum dupli sale, natri muriatici cum platina, temperata, in leni calore exsicabatur. Cum rursus solveretur, nullum apparuit praecipitatum, quod absentiam kali proderet.

C. In aequali fluidi quantitate, ammonium car-

sticum praecipitatum producebat, quod candefactum atque ponderatum, 1,5 coniceret et cum via humida, tum tubo ferruminatorio exploratum, terram argillaceam puram referret.

D. In èodem fluido baryta muriatica praecipitatum ostendebat, quod candefactum, 3,3 pondus aequaret, e baryta sulphurica constaret, et 1,13 acidi sulphurici indicaret.

E. E duabus uncis fluidi, terra argillacea ammonio caustico praecipitabatur, filtratum vero, kali oxalico temperatum, praecipitatum dabat, quod candefaciendo in salem carbonicum mutatum atque ponderatum, e calce carbonica constaret, et 1,41 calcis in utraque fluidi uncia indicaret.

F. Uncia aquae, ammonio carbonico temperata, et a praecipitato orto separata, ammonio phosphorico basico, postremo lixivio kalico tractabatur, quo facto, nulla conspicienda erat turbatio, quae magnesiae praesentiam demonstraret.

Quod igitur ad compositionem aquae attinet, ex rationibus, supra allatis, consentaneum est, statuere, acidum sulphuricum in eadem calci esse illigatum, eaque gypsum formare, quod natrum muriaticum semper fere comitetur, cuiusque illud certam partem dissolvat. Cum vero 1,13 acidi sulphurici, 0,805 calcis ad saturationem requirant, 1,935 partes calcis sulphuricae obtinemus.

Restant nobis 0,605 calcis partes, quae, cum salis massa, in catino candefacta, humorem attraheret ac diffueret, verosimiliter cum acido muriatico sociatae, 0,575 hujus acidi, 1,18 calcis muriaticae formabant.

Deficiente alio acido, terra argillacea acido etiam muriatico dissoluta fuerat. Partes 1,5 terrae argillaceae, cum 0,95 acidi muriatici, 2,45 gr. argillae muriaticae efformabant.

Copia salium contentorum, secundum hanc disquisitionem, in qua natri muriatici ratio nondum habita esset, in singulam fluidi unciam conficiebat:

Gypsum	1,935
Calcem mur.	1,180
Argillam mur.	<u>3,450</u>
	5,565

ergo in 6840 aquae p. 41,7375 gr. salis.

Grana 7235 aquae continebant 219 gr. salinm, in adhibitis 6840 granis igitur 207,0435 p. contentas fuisse, opertet; subtractis inde 41,7375, supersunt 165,306 pro patro muriatico.

6840 seu 100 gr. continebant:

Natrum muriaticum	165,3060	. 2,4167
Calcem muriaticam	8,8500	. 0,1293
Argillam muriaticam	18,3750	. 0,2686
Gypsum	14,5125	. 0,2121
	<u>207,0435</u>	<u>3,0267</u>

Cum proportio reliquorum salium ad natrum muriaticum sit 4:1, sal, si aqua salsa penitus ad siccitatem usque evaporaretur, $\frac{1}{5}$ materiarum heterogenearum contineret.

Aqua, hydrosulphurata, prope praedium Spag. (III marb.)

In ripa Dunaviae fl., prope villam Spag, trium guberniorum, puta Witepsensis, Smolensensis et Pskoviensis, in confinio, fons occurrit, sulphur continens. Aqua acidi hydrothionici odorem valde refert, atque in fundo fontis praecipitatum subrubrum ostendit, quod ex aqua sublatum, nihil aliud quam arenam cum paulo limi exhibeat, ita quidem, ut color ruber, limo duntaxat in aquam remisso, appareat; uestum vero odorem sulphuris aequat. Ligna, casu fortuito in aqua jacentia, sulphure erant inducta.

Disquisitio quoad elementa volatilia.

Aqua primo, quoad elementa volatilia, sequenti modo examinabatur: Parva quantitas, horae dimidiæ spatio, coquebatur. Omnem acidi hydrothionici odorem amiserat. Plumbo acetico temperata, nulla initio exoriebatur turbatio, post horam elapsam vero, alba quaedam, sed reactionem gasis hepatici haud indicans; qua re salium hydrothionicorum absentia de-

monstrata erat. Dein duae librae aquae non coctae, plumbō acetico temperabantur, prius acido acetico exasperato, ad evitandum plumbi carbonici praecipitatum; praecipitatum siccatum ponderis erat 18 gr., pro qno 6,15 pollices cub. acidi sulphuris hydrogenati, pressu barometrico 28^{II} Paris. et 12 $\frac{1}{2}$ R. assumendi, *) ergo 3,075 poll. cub. in libram 1.

In pila vitrea, a qua tubus vitreus incurvatus ad cucurbitam duceret, solutione plumbi acetici repleta, quantitas hujus aquae celeriter coquebatur, coctione non diu continuata, ne sales carbonici, forte obvii, decomponerentur. In cucurbita oriebatur praecipitatum bruneum plumbi sulphurati, supra memoratum, quod in filtro collectum ac siccatum, aquae purae immisum, sensimque huic acidum aceticum adjectum est. Nullae vero bullae gasicae evolvebantur; unde recte concluditur, in filtro plumbum tantummodo sulphuratum sine plumbō carbonico adfuisse, quam igitur nullum acidum carbonicum liberum continuisse.

Disquisitio quo ad elementa solida.

Jam supra memoravi, plumbum aceticum in aqua cocta, album praecipitatum produxisse.

*) Vid. Pfaffs analytische Chemie, Bd. II., p. 84;

E baryta muriatica similiter album prodibat praecipitatum.

Ammonio phosphorico basico in aqua, coctione concentrata, magnesiae praesentia demonstrabatur.

Alia reagentia effectu carebant.

Disquisitio quantitativa.

A. Duæ aquæ librae ad siccitatem usquæ evaprabantur. Versus finem, fluidum luteo colore erat tinctum; extractivum igitur continebat.

B. Alcohol ex residuo parum tantummodo extractivi extrahebat, quod quidem cum plumbō acetico praecipitatū, colorem efficiebat bruneum, sed neque

C. argento nitrico, neque alumine acetico.

D. Aqua superfusa massæ maximam partem solvebat.

E. Ex solutione aquosa, barytae muriaticæ ope, praecipitatum obtinebatur, quod candefactum, ponderis erat 7 gr., ergo 2,4 acidi sulphurici p. indicabat.

F. Baryta reliqua acido sulphurico remota, solutio ammonio phosphorico basico temperabatur, quod magnesiam praecipitabat. Cum vero in solutione nullæ aliae terræ adessent, quantitatem ejus 1,2 continuisse necesse est, eamque cum 2,4 acidi sulphurici, 3,6 magnesiae sulphuricae, ergo 1,8 in quamvis libram.

G. Residuum, in aqua insolubile, praeter residuum terrae siliceae perexiguum, acido muriatico, cum stridore solvebatur; ammonio phosphorico basico et solutione magnesia precipitabatur. Praecipitatum pondus habebat 4,2 gr., continebat ergo 1,5 magnesiae. *) Quodsi 1,65 acidi carbonici, ad 1,5 magnesiae grana saturanda, numeramus, obtinetur 3,15 magnesiae carbonicae = 1,575 in singulam libram.

H. Aquosa solutio in F. residua, postquam baryta nitrica erat temperata, ut acida, sulphuricum et phosphoricum, removerentur, argento nitrico temperabatur, qua re extractivum praecipitatum est; sed neque plumbo acetico, neque alumine acetico praecipitatum produci poterat, ita ut pars extractivi, in B ex alcoholе praecipitata, aliis generis esse videtur. Copia, ob defectum majoris aquae quantitatis, constitui non poterat.

Consequenter aqua Spagensis in libram 1 continet;
nebat;

Acidum hydrothionicum: 3,075 poll. cub.

Magnesiam sulphuricam: 1,8

Magnesiam carbonicam: 1,575
3,375

Praeterea adhuc vestigium terrae siliceae et extractivum.

*) Conf. Berzel, Lehrbuch, Bd. II., p. 745.

T h e s e .

- I. Iris nunquam quiescit.
- II. Dentilio non est morbus.
- III. Morborum stadia duo.
- IV. Incitamenta qualitate variant.
- V. Materies anorganicae nonnullae, saepe organico processu gignuntur.
- VI. Semper in acme morbi moritur aegrotus.
- VII. Inter venena et remedia distinguendum.
- VIII. Antimonium crudum et kermes minerale contitutione chemica eadem gaudent.
- IX. Theoriā in therapia, deesse contendō.
- X. Azoticum respiratione absorberi certum esse credō.
- XI. In pertractanda materia medica, morbi singulares non enumerari debent.
- XII. Causam morborum, sic dictam proximam, nescimus.
- XIII. Symptomata in arthritide spasmodica, nonnunquam venae sectionibus removenda.